

# Kumpulan pertama pekerja baharu dari Bangladesh tiba

## Buruh asing bakal bekerja dalam sektor pembuatan

Oleh Rafidah Mat Ruzki  
fidahruzki@bh.com.my

**Putrajaya:** Malaysia menerima kemasukan kumpulan pertama pekerja warga Bangladesh semalam, kata Menteri Sumber Manusia, Datuk Seri M Saravanan.

Kemasukan mereka susulan daripada Memorandum Persefahaman (MoU) Mengenai Penggajian Pekerja Warga Bangladesh yang ditandatangani Malaysia dan Bangladesh pada 19 Disember lalu.

Pekerja asing terbabit bakal bekerja dalam sektor pembuatan dan mereka akan masuk ke negara ini secara berperingkat mulai semalam.

"Selain itu, Suruhanjaya Tinggi Bangladesh pada minggu lalu juga mengesahkan (attestation) permohonan daripada 80 majikan tempatan yang membatik penggajian seramai 6,000 warga Bangladesh," katanya da-

lam kenyataan semalam.

### Mohon pengesahan

Saravanan berkata, majikan yang sudah membuat pembayaran levi kepada Jabatan Imigresen dan bercadang untuk menggajikan pekerja warga Bangladesh, boleh memohon pengesahan (attestation) penggajian dan dokumentasi seperti kontrak pekerjaan serta pesanan kerja ke Suruhanjaya Tinggi Bangladesh di Malaysia.

Saravanan sebelum ini dilaporkan berkata, permohonan pekerja asing oleh majikan tidak berdasarkan kewarganegaraan pekerja, sebaliknya membabitkan pekerja dari 15 negara sumber.

Majikan yang sudah membuat pembayaran levi kepada Jabatan Imigresen dan bercadang untuk menggajikan pekerja warga Bangladesh, boleh memohon pengesahan penggajian dan dokumentasi seperti kontrak pekerjaan serta pesanan kerja ke Suruhanjaya Tinggi Bangladesh di Malaysia

Kelulusan diberikan Kementerian Sumber Manusia (KSM) untuk kuota pekerja asing berpandukan sektor pekerjaan dibenarkan bagi penggajian pekerja asing dan bukan berdasarkan kewarganegaraan pekerja.

Beberapa industri dan sektor dalam negara ketika ini terjejas akibat pandemik COVID-19 selepas pekerja asing pulang ke negara masing-masing dan tiada kemasukan tenaga kerja baharu sepanjang pelaksanaan Perintah Kawalan Pergerakan (PKP) dan penutupan sempadan negara.

Antara sektor terjejas termasuk perladangan dan makanan dan minuman (F&B).

**M Saravanan,**  
Menteri  
Sumber  
Manusia

